

應知從頂墮

此頌世尊為天授說是則天授從頂退已而斷善根云何乃言捨此頂已必不斷善根依未得退說頂墮言提婆達多已修得煖不久得頂著名利故還退失煖復斷善根於頂應得而不得故說名頂墮非已得退有作是說

例六

十四

世尊如頂於佛作惡而墮惡趣故名頂墮有餘師說佛法如頂彼壞佛法便自退落故名頂墮忍亦得亦捨得者由加行故捨者或由越界地故或由捨眾同分故不由退故復有何勝利謂畢竟不退不作無間業不墮惡趣世第一法亦得亦捨得者由加行故捨者由

越界地故不由退故亦不由捨眾同分故復有何勝利能為等無間入正性離生有餘師說煖亦得亦捨如前說捨此煖已亦作無間業亦墮惡趣有何勝利能與涅槃作決定因及能畢竟不斷善根若尔天授應未得煖彼起邪見斷善根故頂亦得亦捨如前說捨此

頂已亦墮惡趣復有何勝利不作無間業忍亦得亦捨如前說復有何勝利畢竟不退不墮惡趣不執著我問若尔鄔波離室利龜多指鬘諦語等應未得忍彼執有我抗拒佛故若彼欲論議假立有我實不執著世第一法得捨等事皆如前說

阿毗達磨大毗婆沙論卷第六

例六

鄙卑美逼迫上彼力反其物藉才反夜鈍因反珍遲完息二同反了官積反子智壤反其業迹二窳堵上蘇反沒反藍反郎合殄反徒典埽反音拒巨反郎帝鄔反一古趨反渠六抗反口浪

阿毗達磨大毗婆沙論卷第七

例七

五百大阿羅漢等造 三藏法師糞奉 詔譯

雜蘊第一中世第一法納息第一之六

西方尊者以十七門分別此四如彼頌言
意趣依因所緣果 等流異熟及勝利
行相二緣慧界定 尋等根心退為後

唐

問煖有何意趣答先所修集一切善根謂從
布施乃至七處善皆以迴向解脫是其意趣
問煖依何而起答依自地定問煖以何為因
答前生自地同類善根問煖誰為所緣答四
聖諦問煖以何為果答以頂為近士用果問
煖誰為等流答後生自地同類善根問煖誰
為異熟答色界五蘊問順決擇分亦能牽引
衆同分不有說不能所以者何獸背有故謂
此善根獸背諸有於衆同分但能圓滿不能
牽引有說亦能謂此善根雖獸背有而能牽
引隨順聖道衆同分果謂此所招衆同分果
增上熾盛微妙殊勝無有灾橫順勝善品問
煖有何勝利答能與涅槃作決定因有說得
煖定不斷善問煖有幾行相答十六行相問
煖為緣名為緣義答名義俱緣問煖為聞所
成爲思所成爲修所成答惟修所成問煖為
欲界繫為色界繫為無色界繫答惟色界繫
問煖為在定為不在定答惟在定問煖為有

尋有伺為無尋惟伺為無尋無伺答具三種
問煖為樂根相應為喜根相應為捨根相應
答三根相應問煖為一心為多心答多心問
煖為可退為不可退答可退頂意趣者謂從
布施乃至煖果者以忍為近士用果勝利者
不斷善根有說亦不作無間業餘如煖說忍
意趣者謂從布施乃至頂果者以卅第一法
為近士用果勝利者不退不作無間業不墮
惡趣有說亦不執或餘如頂說卅第一法意
趣者謂從布施乃至忍所緣者惟苦諦果者
以苦法智忍為近士用果勝利者為等無間
入正性離生行相者苦諦四行相一心多心
者當言一心餘如忍說
初煖緣三諦法念住現在修未來修四念住
一行相現在修未來修四行相俱同類修非
不同類緣滅諦法念住現在修未來亦惟修
法念住一行相現在修未來修四行相亦同
類修非不同類所以者何非初觀蘊滅能修

刪七

二

緣蘊道故增長煖緣三諦四念住隨一現在
修未來修四念住此同類修亦不同類一行
相現在修未來修十六行相緣滅諦法念住
現在修未來修四念住一行相現在修未來
修十六行相問何故初煖惟同類修非不同
類增長煖能修同類不同類耶答初煖未曾

得種姓初學觀諦故惟修同類增長煖已曾
得種姓慣習觀諦故同類修亦不同類初頂
緣四諦法念住現在修未來修四念住一行
相現在修未來修十六行相增長頂緣三諦
四念住隨一現在修未來修四念住一行相
現在修未來修十六行相緣滅諦法念住現

在修未來修四念住一行相現在修未來修
十六行相初及增長忍緣四諦法念住現在
修未來修四念住一行相現在修未來修十
六行相問何故忍初及增長皆惟法念住現
在修煖頂不尔答忍近見道與見道相似如
見道中惟起法念住忍亦如是尊者妙音作

如是說初忍及增長忍如初煖及增長煖說
於色界善根未曾得種姓及已曾得種姓故
彼不應作是說此四善根皆是色界修所成
故忍近見道如見道起法念住故問增長忍
一切時修十六行相耶答不尔或時十六或
時十二或時八或時四所以者何如如漸次

略所緣諦如是如是略修行相由此漸能近
於見道如見道故世第一法法念住現在修
未來修四念住一行相現在修未來修四行
相惟同類修非不同類問世第一法已曾得
種姓慣習觀諦何故但修同類非異類耶答
世第一法惟有尔所行相可修無餘行相如

人惟有一衣奪已更無可奪此亦如是故不
應問復次世第一法隣逼見道似見道故復
次世第一法開見道門導生見道如見道故
問初煖頂忍於四聖諦為相續觀為不相續
有說相續如見道中十五心頃於四聖諦相
續現觀此亦如有說不相續謂觀欲界苦

聖諦已即便止住次起加行觀色無色界苦
 聖諦已復便止住餘諦亦亦如是說者此不
 決定或相續觀或不相續隨彼加行勢力轉
 故問何等作意無間引起煖耶答色界定修
 所成行相攝有馱離有渴仰有惡賤有思慕
 作意無間引起煖煖無間引起頂頂無間引

起忍忍無間引起世第一法問已離欲染者
 可尔未離欲染者云何答欲界亦有似彼作
 意思所成行相攝有馱離有渴仰有惡賤有
 思慕未離欲染者此作意無間引起煖餘如
 前說問修煖滿已將欲起頂遂使命終彼餘
 生中為即起頂為從本起若遇明師隨彼

應起分齊說者即能起頂若不尔者還從本
 起然能速起非如初修問若餘生中即起頂
 者從何作意無間起耶答如起煖時所有作
 意如說從煖起頂從頂起忍亦尔問若尔何
 故說煖無間起頂頂無間起忍耶答依一身
 中相續起者作如是說然非一切問若退煖

已還生煖時為得先時曾得煖不答應言不
 得隨尔所度退已還生即尔所度新新而得
 所以者何極難得故未曾習故用功成故如
 別解脫戒隨尔所度捨已復受即尔所度新
 新而得此亦如是如說煖頂亦尔依根本靜
 慮所起煖頂亦必不退以所依定自在堅牢

則七

四

故依未至定靜慮中間所起煖頂則不決定
 以可退故問煖頂忍位依下生中依中生上
 中上品後起下中不答決定不起所以者何
 居勝進位於先所得不欣尚故問起煖以後
 為離染不有作是說不樂離染所以者何彼
 寧起頂不樂發起第一有思況下地定如是

說者此則不定若彼行者自知有力能生頂
 者即便起頂若知無力能生頂者則求離染
 所以者何若得離染當生勝處離下界故
 煖頂忍等種類差別有七十三其事云何謂
 於欲界染具離有十具縛為一離一品染乃
 至離九并前為十於初靜慮染離一乃至離

九爲九無別具縛即是欲界第十攝故後位亦亦如是乃至於無所有處染離一乃至離九爲九於此諸位所起煖等有七十三種類差別問隨一所起與餘所起爲一爲異有說是一問若介何故說七十三種類差別答體雖是一而位有異依位差別故說介所有說

各異謂具縛者所起異離一品者所起異廣說乃至離無所有處第九染者所起異然具縛者於具縛者所起煖等亦得亦在身亦成就亦現在前於離縛者所起煖等不得不在身不成就不現在前離欲界一品染者於離欲界一品染者所起煖等亦得亦在身亦成

則七

五

就亦現在前於具縛者所起煖等得而不在身成就不現在前於餘所起不得不在身不成就不現在前廣說乃至離無所有處第九品染者於自所起煖等亦得亦在身亦成就亦現在前於餘所起煖等得而不在身成就不現在前依根本靜慮起煖等者現身必入

正性離生所以者何彼由聖道引煖等故依未至定靜慮中間起煖等者此則不定所以者何彼由煖等引聖道故問若依此地起順決擇分即依此地入正性離生耶有作是說若依此地起順決擇分即依此地入正性離生如是說者此則不定或即依此地或復依

餘地或即依此地者謂聲聞種性若依未至定起煖即依此地起頂忍世第一法入正性離生乃至若依第四靜慮起煖即依此地起頂忍世第一法入正性離生或復依餘地者謂聲聞種性若依未至定起煖彼依初靜慮起煖頂忍世第一法入正性離生乃至第四

靜慮亦介若依未至定起煖頂彼依初靜慮起頂忍世第一法入正性離生乃至第四靜慮亦介若依未至定起煖頂忍彼依初靜慮起忍世第一法入正性離生乃至第四靜慮亦介有說若依未至定起煖彼依初靜慮起頂忍世第一法入正性離生乃至第四靜慮

亦尔若依未至定起煖頂彼依初靜慮起忍
 世第一法入正性離生乃至第四靜慮亦尔
 若依未至定起煖頂忍彼依初靜慮起忍世
 第一法入正性離生乃至第四靜慮亦尔有
 說若依未至定起煖頂彼依初靜慮起煖頂
 忍世第一法入正性離生乃至第四靜慮亦

尔若依未至定起煖頂彼依初靜慮起煖頂
 忍世第一法入正性離生乃至第四靜慮亦
 尔若依未至定起煖頂忍彼依初靜慮起煖
 頂忍世第一法入正性離生乃至第四靜慮
 亦尔問順決擇分中上品後不起下中云何
 尔時作如是說若依未至定起異地得起如是

例七

六

等說聲聞種性問菩薩云何有作是說菩薩
 若依未至定起煖依初靜慮乃至第三靜慮
 起煖頂忍依第四靜慮起煖頂忍世第一法
 入正性離生若依未至定起煖頂依初靜慮
 乃至第三靜慮起煖頂忍依第四靜慮起煖
 頂忍世第一法入正性離生若依未至定起

煖頂忍依初靜慮乃至第三靜慮亦起煖頂
 忍依第四靜慮起煖頂忍世第一法入正性
 離生問順決擇分中上品後不起下中云何
 尔時作如是說若依未至定起異地得起有說
 聲聞不起菩薩能起有餘為離如是過失作
 如是言菩薩若依未至定起煖乃至第四靜

慮亦尔若依未至定起頂乃至第四靜慮亦
 尔若依未至定起忍乃至第四靜慮亦尔即
 依第四靜慮起忍世第一法入正性離生如
 是說者菩薩惟依第四靜慮起煖頂忍世第
 一法入正性離生所以者何菩薩一切殊勝
 功德惟依第四靜慮引起謂從不淨觀乃至

無生智問獨覺云何若麟角喻獨覺如菩薩
 說部行獨覺不定如聲聞說

問菩薩昔餘生中曾起順決擇分善根不設
 尔何失若曾起者何故說言菩薩所有殊勝
 善根謂從不淨觀乃至無生智皆一坐得若
 不起者菩薩九十一劫不墮惡趣是誰威力

例七

七

耶有作是說菩薩昔餘生中曾起順決擇分由忍力故九十一劫不墮惡趣問若尔何故說言菩薩善根皆一坐得答昔所起者是他種性非自種性一坐得者說自種性故不相違有說不起所以者何菩薩善根不經歷世菩提樹下一坐得故問若尔菩薩九十一劫

不墮惡趣是誰力耶答能障惡趣不必要由順決擇分所以者何或施或戒或聞或思或煖或頂能障惡趣若鈍根者得忍方能然諸菩薩行一施時亦攝戒慧行一戒時亦攝施慧行一慧時亦攝施戒由此能障那度多惡趣況三惡趣而不能障耶如是說者菩薩所

有殊勝善根謂從不淨觀乃至無生智皆此生中依第四靜慮一坐引起尚非此生餘位何況前生麟角喻獨覺亦尔部行獨覺善根不定如聲聞說煖頂忍世第一法各有六種種性差別謂退法種性思法護法住法堪達不動法種性此

中轉退法種性煖起思法種性煖乃至轉堪達種性煖起不動法種性煖轉聲聞種性煖起獨覺或佛種性煖轉獨覺種性煖起佛或聲聞種性煖佛種性煖定不可轉如說煖說頂亦尔轉聲聞種性忍起獨覺種性忍非轉聲聞獨覺種性忍能起佛種性忍所以者何

忍違惡趣菩薩發願生惡趣故亦非轉獨覺種性忍能起聲聞種性忍所以者何忍不退故有說轉聲聞種性煖頂忍能起獨覺種性煖頂忍若起獨覺種性煖頂亦不能起餘乘煖頂所以者何獨覺善根始從不淨觀乃至無生智一坐得故評曰彼不應作是說所以

者何麟角喻獨覺種性善根雖一坐得部行獨覺種性不定如聲聞說故世第一法六種種性及三乘種性皆不可轉一刹那故問順決擇分何處起耶答欲界能起非色無色界於欲界中人天能起非三惡趣勝善根故人中三洲能起非北俱盧天中雖能起而

則七

八

後起非初謂先人中起已後退生欲天中由先習力續復能起問何故天中不能初起答彼處無勝厭離等作意故問惡趣中有勝厭離等作意何故不起此善根耶答惡趣中無勝依身故若有勝厭離等作意亦有勝依身者則能初起此類善根欲天中雖有勝依身而無勝厭離等作意惡趣中雖有勝厭離等作意而無勝依身人中具二故能初起問色無色界何故不起此善根耶答若處能入正性離生彼處能起色無色界既不能入正性離生故不能起問因論生論何故色無色界不能入正性離生耶答非田非器乃至廣說復次若處能起忍智彼處能入正性離生色無色界雖能起智而不起忍故不能入正性離生復次若處能起法智類智彼處能入正性離生色無色界雖起類智而不起法智故不能入正性離生復次若處有勝依身及有苦受彼處能入正性離生色無色界雖有勝

依身而無苦受故不能入正性離生問此煖頂忍卅第一法依何身起答依男女身問依女身得女身所起煖為亦得男身所起煖耶答得如得煖得頂忍亦亦問依男身得男身所起煖為亦得女身所起煖耶答得如得煖得頂忍亦亦女身於女身所起煖亦得亦在身亦成就亦現在前於男身所起煖得而不在身成就亦現在前如說煖說頂忍亦亦男身於男身所起煖亦得亦在身亦成就亦現在前於女身所起煖得而不在身成就亦現在前如說煖說頂忍亦亦女身所起煖與女身所起煖為因與男身所起煖亦為因如說煖說頂忍亦亦男身所起煖與男身所起煖為因不與女身所起煖為因所以者何勝非劣因彼是劣故如說煖說頂忍亦亦問依男身起順決擇分善根已更可受女身不答更可受惟前三非卅第一法所以者何一刹那故問起順決擇分善根已更可受扇

捌七

九

序

撓半擇迦無形二形身不答更可受惟煖頂
非餘所以者何若得忍已便違惡趣彼扇撓
等身形鄙陋是人中惡趣若得忍等殊勝善
根必更不受彼類身故問得忍異生於命終
位既捨衆同分亦捨忍不設介何失若捨者
應墮惡趣何故乃言若得忍者不墮惡趣又

若捨者何故異生命終時捨聖者不然若不
捨者何故業蘊及大種蘊俱不說耶如說異
生住胎藏等但成就身不成就身業答此應
言捨有說不捨有說不定或捨不捨此中一
一廣釋所以如後業蘊害生納息中說如是
說者異生命終定捨於忍善根劣故異生依

此地起此類善根若有命終還生此地捨同
分故尚決定捨況此善根是色界法經欲界
生而當不捨

問修煖加行其相云何答以要言之三慧為
相謂聞所成慧思所成慧修所成慧問云何
修習聞所成慧答修觀行者或遇明師為其

略說諸法要者惟有十八界十二處五蘊或
自讀誦素但纏藏毗柰耶藏阿毗達磨藏今
善熟已作如是念三藏文義甚為廣博若但
憶持令心厭倦三藏所說要者惟有十八界
十二處五蘊作是念已先觀察十八界彼觀
察時立為三分謂名故自相故共相故名者

刪七

十

字

謂此名眼界乃至此名意識界自相者謂此
是眼界自相乃至此是意識界自相共相者
謂十六行相所觀十八界十六種共相彼緣
此界修智修止於十八界修智止已復生厭
倦作如是念此十八界即十二處故應略之
入十二處謂十色界即十色處七心界即意
處法界即法處彼觀察此十二處時立為三
分謂名故自相故共相故名者謂此名眼處
乃至此名法處自相者謂此是眼處自相乃
至此是法處自相共相者謂十六行相所觀
十二處十六種共相彼緣此處修智修止於
十二處修智止已復生厭倦作如是念此十

二處除無為即五蘊故應略之入於五蘊謂
 十色處及法處所攝色即色蘊意處即識蘊
 法處中受即受蘊想即想蘊餘心所法不相
 應行即行蘊彼觀察此五蘊時立為三分謂
 名故自相故共相故名者謂此名色蘊乃至
 此名識蘊自相者謂此是色蘊自相乃至此

是識蘊自相共相者謂十二行相所觀五蘊
 十二種共相彼緣此蘊修習修止於五蘊修
 習止已復生厭倦作如是念此五蘊并無為
 即四念住故應略之入四念住謂色蘊即身
 念住受蘊即受念住識蘊即心念住想行蘊
 并無為即法念住彼觀察此四念住時立為

捌七

十一

身

三分謂名故自相故共相故名者謂此名身
 念住乃至此名法念住自相者謂此是身念
 住自相乃至此是法念住自相共相者謂十
 六行相所觀四念住十六種共相彼緣此念
 住修習修止於四念住修習止已復生厭倦
 作如是念此四念住除虛空非擇滅即四聖

諦故應略之入四聖諦謂有漏法果分即苦
 諦因分即集諦擇滅即滅諦對治即道諦彼
 觀察此四聖諦時立為三分謂名故自相故
 共相故名者謂此名苦諦乃至此名道諦自
 相者謂此是苦諦自相乃至此是道諦自相
 共相者謂四行相所觀苦諦四種共相一苦

二非常三空四非我四行相所觀集諦四種
 共相一因二集三生四緣四行相所觀滅諦
 四種共相一滅二靜三妙四離四行相所觀
 道諦四種共相一道二如三行四出彼緣此
 諦修習修止於四聖諦修習止時如見道中
 漸次觀諦謂先別觀欲界苦後合觀色無色

界苦先別觀欲界集後合觀色無色界集先
 別觀欲界滅後合觀色無色界滅先別觀欲
 界道後合觀色無色界道如是觀察四聖諦
 時猶如隔縑觀諸色像齊此修習聞所成慧
 方得圓滿依此發生思所成慧修圓滿已次
 復發生修所成慧即名為煖煖次生頂頂次

生忍忍次生於世第一法世第一法次生見道見道次生修道修道次生無學道如是次第善根滿足

善根有三種一順福分二順解脫分三順決擇分順福分善根者謂種生人生天種子生人種子者謂此種子能生人中高族大貴多

饒財寶眷屬圓滿顏貞端嚴身體細軟乃至或作轉輪聖王生天種子者謂此種子能生欲色無色天中受勝妙果或作帝釋魔王梵王有大威勢多所統領順解脫分善根者謂種決定解脫種子因此決定得般涅槃順決擇分善根者謂煖頂忍世第一法此中應廣

刪七

十一

序

分別順解脫分善根問此善根以何為自性答以身語意業為自性然意業增上問此善根為在意地為五識身答在意地非五識身問此善根為加行得為離染得為生得耶答惟加行得有說亦是生得評曰前說者好加行起故問此善根為聞所成為思所成為修

所成耶答聞思所成非修所成有說亦是修所成評曰前說者好惟欲界繫故問此善根於何處起答於欲界起非色無色界欲界中人趣起非餘趣人趣中三洲起非北俱盧問此善根於何時種答佛出世時要有佛法方能種故有餘師說雖無佛法若遇獨覺亦能

種此善根問此善根依何身起答亦依男身亦依女身問為因何事種此善根答或因施或因戒或因聞而不決定所以者何意樂異故謂或有人因施一搏食或乃至一淨齒木即能種植解脫種子如戰達羅等彼隨所施皆作是言願我因斯定得解脫或有雖設無

遮大會而不能種解脫種子如無暴惡等彼隨所施皆求世間富貴名稱不求解脫或有受持一晝一夜八分齋戒即能種植解脫種子或有受持盡眾同分別解脫戒而不能種解脫種子或有讀誦四句伽他即能種植解脫種子或有善通三藏文義而不能種解脫

刪七

十三

序

種子問誰決定能種此順解脫分善根若
有增上意樂欣求涅槃厭背生死者隨起少
分施戒聞善即能決定種此善根若無增上
意樂欣求涅槃厭背生死者雖起多分施戒
聞善而亦不能種此善根問若有種植此善
根已為經久如能得解脫若若極速者要經

三生謂初生中種此種子第二生中令其成
熟第三生中即能解脫餘則不定謂或有人
種順解脫分善根已或經一劫或經百劫或
經千劫流轉生死而不能起順決擇分或復
有人起順決擇分善根已或經一生或經百
生或經千生流轉生死而不能入正性離生

順解脫分亦有六種謂退法種性乃至不動
法種性轉退法種性順解脫分起思法種性
順解脫分乃至轉堪達種性順解脫分起不
動法種性順解脫分轉聲聞種性順解脫分
起獨覺及佛種性順解脫分轉獨覺種性順
解脫分起聲聞及佛種性順解脫分若起佛

種性順解脫分已則不可轉極猛利故
問煖加行中有生滅觀此生滅觀加行云何
答諸瑜伽師將觀生滅先取內外與衰相已
還所住處調適身心觀一期身前身後滅次
觀分位次年次時次月次半月次一晝夜次
半呼栗多次臘縛次但刹那復漸滅乃至

於一切有為法觀二刹那生二刹那滅齊此
名為加行成滿次復於有為法觀一刹那生
一刹那滅此則名為生滅觀成問此生滅觀
觀生滅時為一心觀為二心觀若一心觀者
為作一解為作二解若作一解者如觀生為
生亦應觀滅為生觀生為生可名正觀觀滅

為生應是邪觀如觀滅為滅亦應觀生為滅
觀滅為滅可名正觀觀生為滅應是邪觀如
何一解亦正亦邪若作二解者應有二體一
心二體無有是處若二心觀者一心觀生一
心觀滅應無生滅觀云何名為生滅觀耶答
二刹那頃一心觀生一心觀滅依相續說名

捌七

十四

唐

生滅觀不依刹那故無有失有說一心雙觀生滅而無如前所說過失以見生時比知有滅以有生法必有滅故若見滅時比知有生以有滅法必有生故評曰彼說非理云何一心可有二解現比二量體不同故前說為善問此生滅觀為勝解作意為真實作意有說

真實作意問若介諸行實無來去見有來去云何真實答此觀未成見有來去成時但見生滅不見有去來相如舞獨樂緩見來去危則不見旋火輪喻陶家輪喻應知亦介有說勝解作意問若介伽他所說當云何通如說若有知見能盡漏 若無知見云何盡

若能觀蘊生滅者 是則解脫煩惱意非勝解作意能斷煩惱答依傳因說如子孫法謂勝解作意引生真實作意由真實作意斷諸煩惱故不相違

阿毗達磨大毗婆沙論卷第七

惻七

麟音庚反以主 撓反丑佳 搏食上音團 殖反常力 栗吉力
反臘良反谷 獨樂下音落 陶音挑
阿毗達磨大毗婆沙論卷第七 十五末 惻七

阿毗達磨大毗婆沙論卷第八

惻八

五百大阿羅漢等造三藏法師玄奘奉 詔譯

雜蘊第一中世第一法納息第一之七

此二十句薩迦耶見幾我見幾我所見乃至廣說問何故作此論答為欲分別契經義故謂諸經中佛說有二十句薩迦耶見尊者舍

利子於池喻經中雖略分別此二十句薩迦耶見而皆未說幾是我見幾我所見彼經是此論所依根本彼所未說者今欲說之故作斯論復次為止他宗顯正義故謂譬喻者作如是說薩迦耶見無實所緣彼作是言薩迦耶見計我我所於勝義中無我我所如人見